



partii naleraq

## Naqqiut

(Siunnersuuteqartup aqqa allanngorpoq)

08. maaji 2019

UPA2019/66

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiutigalugu suliffeqarfiutilinnut inatsisaata, inuussutissarsiutigalugu fond-it inatsisaata, inatsisillu tamalaat (Piginnittuiit nalunaarsornissaat eqqunneqarnissaanut) allanngortinnissaat anguniarlugit Naalakkersuisut, Danmark-ip Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Partii Naleqqamit Inatsisartunut ilaasortaaitai)

### Tunngavilersuut:

Kalaallit Nunaat nunarsuarmioqataasutut immap pisuussutaanik annerusut ilaanniilluni niuernermut peqataasarpoq. Taamatut niuffanneq nioqqutissat tamakkerlugit nalingani (BNP) annertunerungaatsiartutut inissisimagaluartoq, ulloq manna tikillugu tamassumani piginnissutsit ersareqqissaanngillat.

Tamatumuuna oqaluttuat pinngortitsinilersaalersaarutit akileraarnermut avaqqussinermut tunngasut ingerlaalertarput, Kalaallit Nunaammi suliffeqarfinnut akileraarutaata qaffasinnera ilaliullugu. Nunat niuerfitsinnut sanilliutiinnarnagumi, nunarsuarmut sanilliukkaanni tamanna qaffasinnerniikkami.

På selskabsområdet gælder i Grønland i dag Lov om aktie- og anpartsselskaber (selskabsloven), som ikraftsat for Grønland ved Anordning nr. 486 af 14. maj 2018.

Suliffeqarfinnut tunngatillugu Kalaallit Nunaanni aktiaateqarluni piginneqataassuteqarlunilu ingerlatseqatigiiffinnut inatsit (*Lov om aktie- og anpartsselskaber, selskabsloven*), Kalaallit Nunaannut aallartinneqartoq *Anordning nr. 486 af 14. maj 2018* aqutugalugu ullutsinni atuuppoq.

Massakkut selskab-it inatsisaanut (*selskabsloven*) assingusumik atuuttoq (allannguuteqalaaginnarluni) Danmark-imi 2015-imi atuutilertoq assigaa.

Danmark-imi selskab-it inatsisaat massakkut atuuttoq tassanngarniit allanngoqattaarnikuuvoq - ilaatigut selskab-it inatsisaanut allannguneq Inatsisip nr. 262, 16. marts 2016, selskab-it inatsisaata, inuussutissarsiutigalugu suliffeqarfiutilinnut inatsisaata, inuussutissarsiutigalugu fond-it inatsisaata, inatsisillu tamalaat (Piginnittuiit nalunaarsornissaat eqqunneqarnissaanut) atorlugit.

Tamanna allannguutissatut inatsit ilaatigut iluatsillugit akileraannginnissamut akiuussinnaanermut iliuuseqarneq (*skattelypakke*) december 2014-imeersoq, taamatuttaaq EU-p 4. *hvidvaskdirektivs bestemmelser om registrering af reelle ejere i selskaber og andre juridiske enheder* atuutilersinneqarput.

Allannguutissamik inatsiseqalernerup piginnittuinnut allattorsimasuuteqalernerup kinguneraa. Tassumap siunertarisimavaa Danmark nunat tamalaani anguniagaqatigiinnermik akisussaaffeqarneranut.

Dansk-it ingerlatsiviisa piginnissusaasa takujuminarnaveersaatit paasiuminaassaarlugit selskab-it sanarfeqartillugit, taakkua malitassat ersarinnerulersitsinissaq siunertarisimavaat. Nalillit nunanut akileraarnikitsunut nuussuineq, aningaasat peqquserlukkunnaarsarnissaat, peqqarniisaarniarnermullu aningaasalersuisarneq ersarinnerulersitsinerup akiortussaasimavaa. Pisortaqarfiit aningaasanut peqquserluttoqarneranut paasiniaanissaannut nalunannginnerulersinnera taamatut ersarinnerulersitsineq kingunerivaa. Allannguutissatut inatsisimmi selskab-it piginnittuiusuminnut paasissutissaqartitsinissaq nalunaarsuinissamullu pisussaaffilernerqarput, tassa piginnittuussutaasoq eqqortoq takutittussaataalerlugu.

Piginnittuiusoq inuittut, toqqaannartumik toqqaannanngitsumilluunniit malunnaatilimmik piginnissuseqartutut, oqartussaassuseqartutut, allatigulluunniit aqutsisutut inatsimmi nassiuarneqarpoq. Malunnaatilimmik piginnissuseqarneq, oqartussaassuseqarnerlu aallaavigaa ingerlatsivimmut piginnissuseqarneq imaluunniit oqartussaassuseqarneq 25 procent-imik aallaaveqartoq. Tamanna allannguutissamut inatsit Kalaallit Nunaannut atuutsinneqalersinnaavoq, taamaasinikuunngilarli.

Taamatut Kalaallit Nunaanni ersarinnerulersitsineq nunatsinnuinnaanngitsoq, kisianni aamma nunat tamalaat akornanni tusaamaneqarneq pitsanngortinneqassaaq, naleqqataanillu inatsisit pioreersunut sakkussatut nukittorsaataassalluni. Tamatumuuna aalisagartassiisarmut siunissamilu aatsisassarsiornermut ingerlatsivinnut.

**Pisortanut aningaasatigut allaffissornikkullu kingunerisassai:**

Siunnersuutip atuutilernissaanut, Kalaallit Nunaanni Namminersorlutik Oqartussat aalajangiiffissatut *anordning for Grønland af lov nr. 262 af 16. marts 2016* selskab-it inatsisaata, inuussutissarsiutigalugu suliffeqarfiutilinnut inatsisaata, inuussutissarsiutigalugu fond-it inatsisaata, inatsisillu tamalaat (Piginnittuiit nalunaarsornissaat eqqunneqarnissaanut) atorlugit atuutsitsinissamut siunnersuuteqarnissaannut allataqarnissaq pissaaq.

Danmark-ip Naalackersuisoqarfiisa *anordning*-imut suliassaq sananeqassaaq, saniatigulli Kalaallit Nunaanni Namminersorlutik Oqartussaniit allaffissornikkut suliaqarnissaq, ilaatigut siunnersuusiornissamik taavalu Danmark-ip Naalackersuisoqarfiinut attaveqarnissaq pisinnissaanut atuisoqassaaq. Tamassumunnga suliaqarneq ukiup ½ suliaqartarnerup sinninnginnissaa ilimagineqarpoq.

**Namminersortunut aningaasaatigut allaffissornikkullu kingunerisassai:**

Namminersortunut allaffissornikkut aamma aningaasartuutitigut sunniuteqarnavianngitsoq ilimagineqanngilaq

**Innuttaasunut aningaasatigut allaffissornikkullu kingunerisassai:**

Innuttaasunut allaffissornikkut aamma aningaasartuutinik kinguneqarsinnaanera ilimagineqanngilaq.